

Bases

- 1 Van poder presentase a esti concursu toles persones d'ente 16 y 25 años (dambos incluyíos) con **rellatos curtios en llingua asturiana** que respundan al enfotu del concursu.
- 2 Los **testos presentaos** han tar roblaos con ñomatu; amás hai qu'entregar nun sobre zarráu, el nome, los apellíos y les señes de contactu del so autor/a.
- 3 El llargor de los rellatos ha ser d'ente **300 y 1000 pallabres**, impreses a una cara (ensin contar el títulu y en formatu Times New Roman 12). Los testos han entregase por triplicáu nel Rexistru del CCAI (c/Xovellanos, nº 21, Xixón). Nel sobre ha figurar la referencia: **"CONCURSU DE RELLATU CURTIU: QUÉ GUAPO YE QUERESE 2017". OFICINA DE NORMALIZACIÓN LINGÜÍSTICA DE XIXÓN** y la estaya a la que pertenez el participante ("16-18 AÑOS" o "19-25 AÑOS"). L'autor/a va recibir un documentu acreitativu de la so presentación; esti recibu va ser necesariu pa recoyer el premiu en casu de resultar ganador el so testu.
- 4 El concursu divídese en **dos estayes**: una pa persones d'ente **16 y 18 años** (dambos incluyíos) y otra pa persones d'ente **19 y 25 años** (dambos incluyíos). Considerarásela edá de cada participante'l día dempués de que finalice'l plazu de presentación de solicitúes (esto ye, a fecha de 18 de payares de 2017).
- 5 La participación nesti concursu ye de baldre y supón **l'aceutación de tolos puntos** incluyíos nestes bases.
- 6 Les persones participantes responsabilícense de la **veracidá de los datos** d'edá aporreaos, dao que van comprobase nel casu de resultar ganadores los sos testos.
- 7 Cada participante pue presentar **hasta tres rellatos**. Tolos rellatos han ser **inéditos y orixinales**, non premiaos nin asoleyaos enantes, nin suxetos a compromisu nengún d'espublización. Han tar escritos acordies coles normes de l'Academia de la Llingua Asturiana. De nun se cumplir estos requisitos, el rellatu sedrá descalificáu.
- 8 **El plazu** pa la presentación de los rellatos entama'l 26 de setiembre de 2017 (Día européu de les Llingües) y acaba'l día 17 de payares -dambos díes incluyíos-.
- 9 N'acabando'l plazu de presentación, **aconceyarál xuráu y decidirá** (por unanimidá o nel so defeutu pola mayoría de votos) los testos premiaos.
- 10 **El xuráu tará formáu** por una representante de la Oficina de Normalización Llingüística de Xixón, ún/a del Conseyu de la Mocedá de Xixón (CMX) y un escritor/a de renome dientro de la lliteratura n'asturianu. Y el so fallu va ser irrevocable. El premiu podría quedar ermu, si asina lo decidiera'l xuráu.
- 11 Va concedese un **1er premiu d'un ordenador portátil, un 2º premiu d'una tablet y un 3er premiu d'un llibru electrónicu** pa cada estaya d'edá.
- 12 **Los testos non premiaos devolveránse**, si l'autor/a lo pide, nos seis meses siguientes al fallu del xuráu.
- 13 Los **premios** d'esti concursu van entregase'l **21 de febreru de 2018**, el Día Internacional de la Llingua Materna.
- 14 Los testos presentaos (a lo menos los ganadores) van poder **espublizase na páxina web** de la Oficina de Normalización Llingüística.



Qué guapo ye **QUERESE** 2017



Concursu de rellatu curtiiu

Oficina de Normalización Llingüística de Xixón

QUERESE

ye una cosa **per-pres-to-sa**,
a vegaes **ye complicao** pero **YE BÁ-SI-CO**
nes nuestres vides

Pues quereite a ti mesmu/a, a otra u otros persones **y pues querer tamién a la to llingua**. Les coses del querer abarquen muncho pa nós, dende un querer inocente, venceyáu a la infancia, a un querer más adultu relacionáu coles persones que siempre tán ehí pa lo que necesites, pasando por un querer más carnal, que tien más que ver colo sexual, ensin escaecer el querer de lo que te fai feliz cada vuelta que te llevantes de la cama (*que pue ser guapamente 'l to perru o 'l café que t'esperta*). Pues querer seliquino o con puxu. Camudar los tos queres a lo llargo de la vida ye lo más normal, nun t'esmolezas pa nada porque a toos y a toes nos pasa:

quies y de sópitu yá nun quies...

Pue llevate años querer a dalgo o dalguién o algamalo nun momentín. Querer implica tratase bien, igualar en drechos, nun facer de menos, quedase con lo que importa de verdá y non colo superficial, asoleyar los sentimientos de caún y caúna... L'amor pue manifestase de maneres destremaes: cada persona ama **lo que-y da pola gana y como-y da pola gana** (*siempres respetando a los y les demás, eso ta claro*).

Y tu...

¿A quién quies? ¿A qué quies?

¡QUÉ GUAPO YE QUERESE!

Oxetivos

- **Fomentar l'usu del asturianu** ente la mocedá, pa falar de tou tipu de coses que cinquen a la so vida (normalizar l'usu social del asturianu)
- **Dar visibilidá al Día del Idioma Maternu** y al amor poles llingües, concretamente, pol asturianu
- **Averar la lliteratura a la mocedá**
- **Promover un querer llibre**, igualitariu, con bon tratu... seya p'hacia persones o p'hacia idiomas

Participantes:

Esti ye un concursu empobináu a la xente mozo. Divídese en dos estayes d'edá (16-18 años y 19-25 años) porque los recursos lliterarios, les esperiencias vitales y les pulsiones d'unes y otros edaes nun tienen comparanza.